



法言目錄

卷一

學行篇

卷二

吾子篇

修身篇

卷三

問道篇

卷四

法言目錄

法言目錄

卷問神篇

卷五真篇

卷問明篇

寡見篇

卷六平篇

卷五百篇

先知篇

卷七

重黎篇

卷八

淵騫篇

卷九

君子篇

卷十

孝至篇

大體者有三要一曰周髀二曰宣夜三曰渾天宣夜

之學絕無師法周髀術數具存考驗天狀多所違失

故史官不用惟渾天者近得其精今史官所用候

卷五

問明篇

李王篇

卷六

蒼子篇

卷八

蒼子篇

法言目錄終

重黎篇或問渾天曰落下閔營之鮮于妄人度之耿
 中承象之幾幾乎莫違也請問蓋天曰蓋哉蓋哉應
 難未幾也後漢張衡傳衡字平子善機巧尤致思之
 天文陰陽歷算安帝雅聞衡善術學公車特召拜郎
 中遷為太史令遂乃研覈陰陽妙盡璇璣之正作渾
 天儀著靈憲算罔論言其詳明注漢名臣蔡邕曰言
 天體者有三家一曰周髀二曰宣夜三曰渾天宣夜
 之學絕無師法周髀術數具存考驗天狀多所違失
 故史官不用惟渾天者近得其精今史官所用候臺

法言

目錄

銅儀則其法也論曰崔爰之稱平子曰術數窮天地
制作俾造化注撰碑文也具外者無天者之說也
大器者亦三象一曰風曆二曰宣亥三曰戰天宣亥
大器者靈靈其同儀其精則去其靈各曰宣亥曰言
中器者太史公云也而器則則也靈靈之玉也
天文創制靈寶安帝時開闢善術學公車於各轉
漢末漢世對靈寶靈寶圖定平于善靈也
中器者之靈也其靈也靈靈也
本朝元祐初蘇公頌進儀象狀曰古人測候天數其
法有二一曰渾天儀規天矩地機隱於內上布經躔
以日星行度察寒暑進退如張衡渾天開元水運銅
渾是也二曰銅候儀今新舊渾儀翰林天文院與太
史局所用是也又案吳中常侍王蕃之渾天儀者羲
和之舊器積代相傳謂之機衡其為用也以察三光
以分宿度者也又有渾天象者以著天體以布星辰
二者以考於天蓋密矣詳此則渾天儀銅渾儀之外
又有渾天象凡三器也由是而言古人候天具此三

器乃能盡妙云云見新儀象法要古人不測天具此三

三者以察天也又有人謂天如磨然其

以公而為者也又有人謂天如香以香天豈以香星

味之香與香外味則謂之熱也其為用也則察三

史同也凡與也又有人謂天如常於王莽之戰天

數星也二白雖對對今時皆戰於神林天

以日星行其寒與暑也或謂天開示水

去有之曰戰天開則天我此對對於山

本體天

法言卷第一

漢 成都楊雄著

明 新安程榮校

學行篇

天降生民倥傯蒙恣于情性聰明不開訓諸理謨

學行學行之上也言之次也教人又其次也咸無焉

為眾人或曰人羨久生將以學也可謂好學已乎曰

未之好也學不羨天之道不在仲尼乎仲尼駕說者

也不在茲儒乎如將復駕其所說則其若使諸儒金

口而木舌或曰學無益也如質何曰未之思夫夫有
刀者礪諸有王者錯諸不礪不錯焉攸用礪而錯諸
質在其中矣否則輟螟蠕之子殪而逢蜾蠃祝之曰
類我類我久則肖之矣速哉七十子之肖仲尼也學
以治之思以精之朋友以磨之名譽以崇之不倦以
終之可謂好學也已矣孔子習周公者也顏淵習孔
子者也拜逢蒙分其弓良捨其策般投其斧而習諸
孰曰非也或曰此名也彼名也處一焉而已矣曰川
有瀆山有嶽高而且大者衆人所不能踰也或問世

言鑄金金可鑄歟曰吾聞覲君子者問鑄人不問鑄
金或曰人可鑄歟曰孔子鑄顏淵矣或人踰爾曰有
哉問鑄金得鑄人學者所以脩性也視聽言貌思性
所有也學則正否則邪師哉師哉桐子之命也務學
不如務求師師者人之模範也模不模範不範爲不
少矣一闕之市不勝異意焉一卷之書不勝異說焉
一闕之市必立之平一卷之書必立之師習乎習以
習非之勝是也况習是之勝非乎於戲學者審其是
而已矣或曰焉知是而習之曰視日月而知衆星之

蔑也仰聖人而知衆說之小也學之爲王者事其已久矣堯舜禹湯文武汲汲仲尼皇皇其已久矣或問進曰水或曰爲其不捨晝夜歟曰有是哉滿而後漸者其水平或問鴻漸曰非其往不往非其居不居漸猶水平請問木漸曰止於下而漸於上者其木也哉亦猶水而已矣吾未見好斧藻其德若斧藻其塗者歟鳥獸觸其情者也衆人則異乎賢人則異衆人矣聖人則異賢人矣禮義之作有以矣夫人而不學雖無憂如禽何學者所以求爲君子也求而不得者有

矣夫未有不求而得之者也晞驥之馬亦驥之乘也晞顏之人亦顏之徒也或曰顏徒易乎晞之則是曰昔顏常晞夫子夫正考甫常晞尹吉甫矣公子奚斯常晞正考甫矣如不欲晞則老矣如欲晞孰禦焉或曰書與經同而世不尚治之可乎曰可或人啞爾笑曰須以發策決科曰大人之學爲道也小人之學爲利也子爲道乎爲利乎或曰耕不穫獵不饗耕獵乎曰耕道而得道獵德而得德是穫饗也吾不覩參辰之相比也是以君子貴遷善遷善也者聖人之徒歟

百川學海而至于海丘陵學山而不至于山是故惡
夫畫也顏顏之黨甚於鷓斯亦賊夫糧食而已矣朋
而不心面朋也友而不心面友也或謂子之治產不
如丹圭之富曰吾聞先生相與言則以仁與義市井
相與言則以財與利如其富或曰先生生無以養死
無以葬如之何曰以其所以養養之至也以其所以
葬葬之至也或曰猗頓之富以爲孝不亦至于顏其
餒矣曰彼以其粗顏以其精彼以其回顏以其貞顏
其劣乎顏其劣乎或曰使我紆朱懷金其樂不可量

也曰紆朱懷金之樂不如顏氏子之樂顏氏子之樂
也內紆朱懷金之樂也外或曰請問屢空之內曰顏
不孔雖得天下不足以爲樂然亦有苦乎曰顏苦孔
之卓也或人瞿然曰茲苦也祇其所以爲樂也歟曰
有教立道無心仲尼有學術業無心顏淵或曰立道
仲尼不可爲思美術業顏淵不可爲力矣曰未之思
也孰禦焉

勒宋玉枚乘之賦也益乎曰必也淫淫則奈何曰詩
人之賦麗以則辭人之賦麗以淫如孔氏之門用賦
也則賈誼升堂相如入室矣如其不用何或問蒼蠅
紅紫曰明視問鄭衛之似曰聰聽或曰朱曠不世如
之何曰亦精之而已矣或問交五聲十二律也或雅
或鄭何也曰中正則雅多哇則鄭請問本曰黃鐘以
生之中正以平之確乎鄭衛不能入也或曰女有色
書亦有色乎曰有女惡華丹之亂窈窕也書惡淫辭
之涵法度也或問屈原智乎曰如玉如瑩爰變丹青

如其智如其智或曰君子尚辭乎曰君子事之爲尚
事勝辭則伉辭勝事則賦事辭稱則經足言足容德
之藻美或問公孫龍詭辭萬數以爲法法歟曰斷木
爲棊椀革爲鞠亦皆有法焉不合乎先王之法者君
子不法也觀書者譬諸觀山及水升東嶽而知衆山
之剝施也况介丘乎浮滄海而知江河之惡沲也况
枯澤乎捨舟航而濟乎瀆者末矣捨五經而濟乎道
者末矣棄常珍而嗜乎異饌者惡覩其識味也委大
聖而好乎諸子者惡覩其識道也山嶮之蹊不可勝

由矣何牆之戶不可勝入矣曰惡由入曰孔氏孔氏者戶也曰子戶乎曰戶哉戶哉吾獨有不戶者矣或欲學蒼頡史篇曰史乎史乎愈於妄闕也或曰有人焉自姓孔而字仲尼入其門升其堂伏其几襲其裳則可謂仲尼乎曰其文是也其質非也敢問質曰羊質而虎皮見草而說見豺而戰忘其皮之虎也聖人虎別其文炳也君子豹別其文蔚也辯人狸別其文萃也狸變則豹豹變則虎好書而不要諸仲尼書肆也好說而不見諸仲尼說鈴也君子言也無擇聽也

無淫擇則亂淫則辟述正道而稍邪侈者有矣未有述邪侈而稍正也孔子之道其較且易也或曰童而習之白紛如也何其較且易曰謂其不姦姦不詐詐也如姦姦而詐詐雖有耳目焉得其正諸多聞則守之以約多見則守之以卓寡聞則無約也寡見則無卓也綠衣三百色如之何矣紵絮三千寒如之何矣君子之道有四易簡而易用也要而易守也炳而易見也法而易言也震風凌雨然後知夏屋之爲帡幪也虐政虐世然後知聖人之爲郭郭也古者楊墨塞

路孟子辭而闢之廓如也後之塞路者有美竊自比
於孟子或曰人各是其所是而非其所非將誰使正
之曰萬物紛錯則懸諸天衆言淆亂則折諸聖或曰
惡覩乎聖而折諸曰在則入亡則書其統一也
修身篇
事有本真陳施于意動不克咸本諸身譔修身修身
以爲巧矯思以爲矢立義以爲的奠而後發發必中
矣人之性也善惡混脩其善則爲善人脩其惡則爲
惡人氣也者所適善惡之馬也歟或曰孔子之事多

矣不用則亦勤且憂乎曰聖人樂天知命樂天則不
勤知命則不憂或問銘曰銘哉銘哉有意於慎也聖
人之辭可爲也使人信之所不可爲也是以君子彊
學而力行珍其貨而後市脩其身而後交善其謀而
後動成道也君子之所慎言禮書上交不諂下交不
驕則可以有爲矣或曰君子自守奚其交曰天地交
萬物生人道交功勳成奚其守好大而不爲大不大
矣好高而不爲高不高矣仰天庭而知天下之居卑
也哉公儀子董仲舒之才之邵也使見善不明用心

不剛儔克爾或曰仁義禮智信之用曰仁宅也義路也禮服也智燭也信符也處宅由路正服明燭執符君子不動動斯得矣有意哉孟子曰夫有意而不至者有矣未有無意而至者也或問治已曰治已以仲尼或曰治已以仲尼仲尼奚寡也曰率馬以驥不亦可乎或曰田甫田者莠喬喬思遠入者心忉忉日日有光月有明三年不目日視必盲三年不目月精必矇熒魂曠枯糟孽曠沈擿埴索塗冥行而已矣或問何如斯謂之人曰取四重去四輕則可謂之人曰何

謂四重曰重言重行重貌重好言重則有法行重則有德貌重則有威好重則有觀敢問四輕曰言輕則招憂行輕則招辜貌輕則招辱好輕則招淫禮多儀或曰日吳不食肉肉必乾日吳不飲酒酒必酸賓主百拜而酒三行不已華子曰實無華則野華無實則史華實副則禮山雌之肥其意得乎或曰回之簞瓢懼如之何曰明明在上百官牛羊亦山雌也閭閻在道簞瓢捧茹亦山雌也何其懼千鈞之輕烏獲力也簞瓢之樂顏氏德也或問犁牛之鞞與玄駢之鞞有

以異乎曰同然則何以不犁也曰將致孝乎鬼神不敢以其犁也如割羊刺豕罷賓槁師惡在犁不犁也有德者好問聖人或曰魯人鮮德奚其好問仲尼也曰魯未能好問仲尼故也如其好問仲尼則魯作東周矣或問人有倚孔子之牆絃鄭衛之聲誦韓莊之書則引諸門乎曰在夷貉則引之倚門牆則麾之惜乎衣未成而轉為裳也聖人耳不順乎非口不隸乎蓋賢者耳擇口擇衆人無擇焉或問衆人曰富貴生賢者曰義聖人曰神觀乎賢人則見衆人觀乎聖人

則見賢人觀乎天地則見聖人天下有三好衆人好已從賢人好已正聖人好已師天下有二檢衆人用家檢賢人用國檢聖人用天下檢天下有三門由於情欲入自禽門由於禮義入自人門由於獨智入自聖門或問士何如斯可以禋身曰其為中也弘深其為外也肅括則可以禋身矣君子微慎厥德悔吝不至何元愷之有上士之耳訓乎德下士之耳訓乎已言不慙行不恥者孔子憚焉

通諸夏則由諸川雖曲而通諸海則由諸或曰事雖
曲而通諸聖則由諸乎道德仁義禮譬諸身乎夫道
以導之德以得之仁以人之義以宜之禮以體之天
也合則渾離則散一人而兼統四體者其身全乎或
問德表曰莫知作上作下請問莫知曰行禮於彼而
民得於此奚其知或曰孰若無禮而德曰禮體也人
而無禮焉以爲德或問天曰吾於天歟見無爲之爲
矣或問彫刻象形者匪天歟曰以其不彫刻也如物
刻而彫之焉得力而給諸老子之言道德吾有取焉

耳及槌提仁義絕滅禮學吾無取焉耳吾焉開明哉
惟聖人爲可以開明侘則岑開發大哉聖人言之至
也開之廓然見四海閉之闢然不覩牆之裏聖人之
言似於水火或問水火曰水測之而益深窮之而益
遠火用之而彌明宿之而彌壯允治天下不待禮文
與五教則吾以黃帝堯舜爲疣贅或曰太上無法而
治法非所以爲治也曰鴻荒之世聖人惡之是以法
始乎伏犧而成乎堯匪伏匪堯禮義悄悄聖人不取
也或問八荒之禮禮也樂也孰是曰殷之以中國或

曰孰爲中國曰五政之所加七賦之所養中於天地者爲中國過此而往人也哉聖人之治天下也礙諸以禮樂無則禽異則貉吾見諸子之小禮樂也不見聖人之小禮樂也孰有書不由筆言不由舌吾見天常爲帝王之筆舌也智也者知也夫智用不用益不益則不贅虧矣深於器械舟車宮室之爲則禮由已或問大聲曰非雷非霆隱隱眩眩久而愈盈尸諸聖或問道有因無因乎曰可則因否則革或問無爲曰奚爲哉在昔虞夏襲堯之爵行堯之道法度彰禮樂

著塗拱而視天民之阜也無爲矣紹桀之後纂紂之餘法度廢禮樂虧安坐而視天民之死無爲乎或曰太古塗民耳目惟其見也聞也見則難蔽聞則難塞曰天之肇降生民使其目見耳聞是以視之禮聽之樂如視不禮聽不樂雖有民焉得而塗諸或問新敝曰新則襲之敝則損益之或問太古德懷不禮懷嬰兒慕駒犢從焉以禮曰嬰犢乎嬰犢母懷不父懷母懷愛也父懷敬也獨母而不父未若父母之懿也狙詐之家曰狙詐之計不戰而屈人兵堯舜也曰不戰

而屈人兵堯舜也靈瑱漸襟堯舜乎銜玉而賈石者
其狙詐乎或問狙詐與亡孰愈曰亡愈或曰子將六
師則誰使曰御得其道則天下狙詐咸作使御失其
道則天下狙詐咸作敵故有天下者審其御而已矣
或問威震諸侯須於征歟狙詐之力也如其亡曰威
震諸侯須於狙詐可也未若威震諸侯而不須狙詐
也或曰無狙詐將何以征乎曰縱不得不征不有司
馬法乎何必狙詐乎申韓之術不仁之至矣若何牛
羊之用人也若牛羊用人則狐狸螻蟻不腹臘也歟

或曰刀不利筆不銛而獨加諸砥不亦可乎曰人砥
則秦尚矣或曰刑名非道邪何自然矣曰何必刑名
圍碁擊劍反自眩刑亦皆自然也由其大者作正道
由其小者作姦道或曰申韓之法非法歟曰法者謂
唐虞成周之法也如申韓如申韓莊周申韓不乖寡
聖人而漸諸篇則顏氏之子閔氏之孫其名曰或曰
莊周有取乎曰少欲鄒衍有取乎曰自持至周罔君
臣之義衍無知於天地之間雖隣不覲也

引之養神無味欲天此之間難測不賾也曰子不
無周自歎半曰少始無餘有歎半曰自計至周曰
望入而漸謂篇以賦刃之子閱刃之終其各言曰
曹熱如周之去也嗟申韓吹申韓海周申韓不事
田其小者亦幾而周申韓之表非去周曰表者
圍巷舉險又自謂賦亦皆自然也由其天者亦五
限泰尚表也曰限各非重深神自然矣曰何必限
法言卷第三 終

法言卷第四

漢 成都楊雄著

明 新安程榮校

問神篇

神心惚恍經緯萬方事繫諸道德仁義禮讓問神或
問神曰心請聞之曰潛天而天潛地而地天地神明
而不測者也心之潛也猶將測之況於人乎況於事
倫乎敢問潛心于聖曰昔仲尼潛心於文王矣達之
顏淵亦潛心於仲尼矣未達一聞耳神在所潛而已

矣天神天明照知四方天精天粹萬物作類人心其
神美乎操則存捨則亡能常操而存者其惟聖人乎
聖人存神索至成天下之大順致天下之大利和同
天人之際使之而無間者也龍蟠于泥蛭其肆矣蛭
哉蛭哉惡覩龍之志也歟或曰龍必欲飛天乎日時
飛則飛時潛則潛既飛且潛食其不妄形其不可得
而制也歟曰聖人不制則何爲乎姜里曰龍以不制
爲龍聖人以不手爲聖人或曰經可損益歟曰易始
八卦而文王六十四其益可知也詩書禮春秋或因

或作而成於仲尼乎其益可知也故夫道非天然應
時而造者損益可知也或曰易損其一雖蠢知闕焉
至書之不備過半矣而習者不知惜乎書序之不如
易也曰彼數也可數焉故也如書序雖孔子亦未如
之何矣昔之說書者序以百而酒誥之篇俄空焉今
亡夫虞夏之書渾渾爾商書灑灑爾周書噩噩爾下
周者其書誰乎或問聖人之經不可使易知歟曰不
可天俄而可度則其覆物也淺矣地俄而可測則其
載物也薄矣大哉天地之爲萬物郭五經之爲衆說

郭或問聖人之作事不能昭若日月乎何後世之嘗
言也曰瞽曠能默瞽曠不能齊不齊之耳狄牙能喊
狄牙不能齊不齊之口君子之言幽必有驗乎明遠
必有驗乎近大必有驗乎小微必有驗乎著無驗而
言之謂妄君子妄乎不妄言不能達其心書不能達
其言難矣哉惟聖人得言之解得書之體白日以照
之江河以滌之浩浩乎其莫之禦也面相之辭相適
揆中心之所欲通諸人之嚙嚙者莫如言彌綸天下
之事記久明遠著古昔之昏昏傳千里之志志者莫

如書故言心聲也書心畫也聲畫形君子小人見矣
聲畫者君子小人之所以動情乎聖人之辭渾渾若
川順則便逆則否者其惟川乎或曰仲尼聖者歟何
不能居世也曾見范蔡之不若曰聖人者范蔡乎若范
蔡其如聖何或曰淮南太史公者其多知歟曷其雜
也曰雜乎雜人病以多知爲雜惟聖人爲不雜書不
經非書也言不經非言也言書不經多多贅矣或曰
述而不作玄何以作曰其事則述其書則作育而不
苗者吾家之童烏乎九齡而與我玄文或曰玄何爲

曰爲仁義曰孰不爲仁孰不爲義曰勿雜也而已矣
或問經之艱易曰存亡或人不論曰其人存則易亡
則艱延陵季子之於樂也其庶幾乎如樂弛雖札末
如之何矣如周之禮樂庶事之備也每可以爲不難
矣如秦之禮樂庶事之不備也每可以爲難矣衣而
不裳未知其可也裳而不衣未知其可也衣裳其順
矣乎或問文曰訓問武曰克未達曰事得其序之謂
訓勝己之私之謂克爲之而行動之而光者其德乎
或曰知德者鮮克其光曰我知爲之不我知亦爲之

厥光大矣必我知而爲之光亦小矣或曰君子病沒
世而無名蓋勢諸名卿可幾也曰君子德名爲幾梁
齊趙楚之君非不富且貴也惡乎成名谷口鄭子真
不屈其志而耕乎巖石之下名震于京師豈其卿豈
其卿或問人曰難知也曰焉難曰太山之與螻蟻江
河之與行潦非難也大聖之與大佞難也嗚呼能參
以似者爲無難或問鄒壯有取乎曰德則取愆則否
何謂德愆曰言天地人經德也否愆也愆語君子不
出諸口

曰是何師歟是何師歟天下小事爲不少矣每知之
是謂師乎師之貴也知大知也小知之師亦賤矣孟
子疾過我門而不入我室或曰亦有疾乎曰撫我華
而不食我實或謂仲尼事彌其年蓋天勞諸病矣夫
曰天非獨勞仲尼亦自勞也天病乎哉天樂天聖樂
聖或問鳥有鳳獸有麟鳥獸皆可鳳麟乎曰羣鳥之
於鳳也羣獸之於麟也形性豈羣人之於聖乎或曰
甚矣聖道無益於庸也聖讀而庸行盍去諸曰甚矣
子之不達也聖讀而庸行猶有聞焉去之阮也阮秦

者非斯乎投諸火或問人何尚曰尚智曰多以智殺
身者何其尚曰昔臯陶以其智爲帝謨殺身者遠矣
箕子以其智爲武王陳洪範殺身者遠矣仲尼聖人
也或劣諸子貢子貢辭而精之然後廓如也於戲觀
書者違子貢雖多亦何以爲慎哉成湯丕承也文王
淵懿也或問丕承曰由小致大不亦丕乎革夏以天
不亦承乎淵懿曰重易六爻不亦淵乎浸以光大不
亦懿乎或問命曰命者天之命也非人爲也人爲不
爲命請問人爲曰可以存亡可以死生非命也命不

可避也或曰顏氏之子冉氏之孫曰以其無避也若
立巖牆之下動而徵病行而招死命乎命乎吉人凶
其吉凶人言其凶辰乎辰曷來之遲去之速也君子
競諸諂言敗俗諂好敗則姑息敗德君子謹於言慎
於好亟於時吾不見震風之能動輦蹟也或問君子
在治曰若鳳在亂曰若鳳或人不諭曰未之思矣曰
治則見亂則隱鴻飛冥冥弋人何基焉鶴明遊集食
其潔者矣鳳鳥蹉蹉匪堯之庭亨龍潛升其貞利乎
或曰龍何可以貞利而亨曰時未可而潛不亦貞乎

可而升不亦利乎潛升在已用之以時不亦亨乎或
問活身曰明哲或曰童蒙則活何乃明哲乎曰君子
所貴亦越用明保慎其身也如庸行翳路衝衝而活
君子不貴也楚兩龔之絜其清矣乎蜀莊沉冥蜀莊
之才之珍也不作苟見不治苟得久幽而不改其操
雖隋和何以加諸舉茲以旃不亦寶乎吾珍莊也居
難爲也不慕由即夷矣何冕欲之有或問堯將讓天
下於許由由恥有諸曰好大者爲之也顧由無求於
世而已矣允哲堯儻舜之重則不輕於由矣好大累

克巢父灑耳不亦宜乎靈場之威宜夜矣乎朱鳥翮
翮歸其肆矣或曰奚取於朱鳥哉曰時來則來時往
則往能來能往者朱鳥之謂歟或問韓非作說難之
書而卒死乎說難敢問何友也曰說難蓋其所以死
乎曰何也曰君子以禮動以義止合則進否則退確
乎不憂其不合也夫說人而憂其不合則亦無所不
至矣或曰說之不合非憂邪曰說不由道憂也由道
而不合非憂也或問哲曰旁明厥思問行曰旁通厥
德

寡見篇

假言周于天地贊于神明幽弘橫度絕于邇言譏寡
見吾寡見人之好假者也邇文之視邇言之聽假則
佞焉或曰曷若茲之甚也先王之道蒲門曰不得已
也得已則已矣不得已者寡哉好盡其心於聖
人之道者君子也人亦有好盡其心矣未必聖人之
道也多聞見而識乎正道者至識也多聞見而識乎
邪道者迷識也如賢人謀之美也詘人而從道如小
人謀之不美也詘道以從人或問五經有辯乎曰惟

五經爲辯說天者莫辯乎易說事者莫辯乎書說體者莫辯乎禮說志者莫辯乎詩說理者莫辯乎春秋捨斯辯亦小矣春木之莖兮援我手之鶉兮去之五
百歲其人若存兮或曰詭詭者天下皆訟也奚其存
曰曼是爲也天下之亡聖也久矣呱呱之子各識其
親詭詭之學各習其師精而精之是在其中矣或曰
良玉不彫美言不文何謂也曰玉不彫璵璠不作器
言不文典謨不作經或問司馬子長有言曰五經不
如老子之約也當年不能極其變終身不能究其業

曰若是則周公惑孔子賊古者之學耕且養三年通
一經今之學也非獨爲之華藻也又從而繡其鞶帔
惡在老不老也或曰學者之說可約邪曰可約解科
或曰君子聽聲乎曰君子惟正之聽荒乎淫佛乎正
沉而樂者君子弗聽也或問侍君子以博乎曰侍坐
則聽言有酒則觀禮焉事博乎或曰不有博奕者乎
曰爲之猶賢於已爾侍君子者賢於已乎君子不可
得而侍也侍君子晦斯光窒斯通亡斯有辱斯榮敗
斯成如之何賢於已也鶴明冲天不在六翮乎拔而

傳尸鳩其累夫夫雷震乎天風薄乎山雲徂乎方雨
流乎淵其事夫乎魏武侯與吳起浮於西河寶河山
之固起曰在德不在固曰美哉言乎使起之兵每如
斯則太公何以加諸或問周寶九鼎寶乎曰器寶也
器寶待人而後寶齊桓晉文已下至於秦兼其無觀
已或曰秦無觀奚其兼曰所謂觀觀德也如觀兵開
闢以來未有秦也或問魯用儒而削何也曰魯不用
儒也昔在姬公用於周而四海皇皇奠枕于京孔子
用於魯齊人章章歸其侵疆魯不用真儒故也如用

真儒無敵於天下安得削浩浩之海濟樓航之力也
航人無楫如航何或曰奔壘之車沉流之航可乎曰
否或曰焉用智曰用智於未奔沉大寒而後索衣裘
不亦晚乎乘國者其如乘航乎航安則人斯安矣惠
以厚下民忘其死忠以衛上君念其賞自後者人先
之自下者人高之誠哉是言也或曰弘羊權利而國
用足盍推諸曰譬諸父子爲人父而推其子縱利如
子何卜式之云不亦匡乎或曰因秦之法清而行之
亦可以致平乎曰譬諸琴瑟鄭衛調俾夔因之亦不

可以致蕭韶美或問處秦之世抱周之書益乎曰舉世寒貂狐不亦燠乎或曰炎之以火沃之以湯燠亦燠矣曰燠哉燠哉時亦有寒者矣非其時而望之非其道而行之亦不可以至矣秦之有司負秦之法度秦之法度負聖人之法度秦弘違天地之道而天地違秦亦弘矣

法言卷第五

終

法言卷第六

漢日成都楊雄著

明新安程榮校

五百篇

聖人聰明淵懿繼天測靈冠乎群倫經諸範撰五百或問五百歲而聖人出有諸曰堯舜禹君臣也而並文武周公父子也而處湯孔子數百歲而生因往以推來雖千一不可知也聖人有以擬天地而參諸身乎或問聖人有誦乎曰有曰馬誦乎曰仲尼於南子

所不欲見也於陽虎所不欲敬也見所不見敬所不
敬不誦如何或曰衛靈公問陳則何以不誦曰誦身
將以信道也如誦道而信身雖天下不可爲也聖人
重其道而輕其祿衆人輕其道而重其祿聖人曰於
道行歟衆人曰於祿殖歟昔者齊魯有大臣史失其
名曰如何其大也曰叔孫通欲制君臣之儀徵先生
於齊魯所不能致者二人曰若是則仲尼之開跡諸
侯也非邪曰仲尼開跡將以自用也如委已而從人
雖有規矩準繩焉得而用之或問孔子之時諸侯有

知其聖者歟曰知之曰知之則曷爲不用曰不能曰
知聖而不能用也可得聞乎曰用之則宜從之從之
則棄其所習逆其所順疆其所劣捐其所能衝衝如
也非天下之至德孰能用之或問孔子知其道之不
用也則載而惡乎之曰之後世君子曰賈如是不亦
鈍乎曰衆人愈利而後鈍聖人愈鈍而後利關百聖
而不慙蔽天地而不耻能言之類其能加也貴無敵
富無倫利孰大焉或曰孔子之道不可小歟曰小則
敗聖如何曰若是則何爲去乎曰愛日曰愛日而去

何也曰由群婢之故也不聽正諫而不用噫者吾於
觀庸邪無爲飽食安坐而厭觀也由此觀之夫子之
曰亦愛矣或曰君子愛日乎曰君子仕則欲行其義
居則欲彰其道事不厭教不倦焉得日或問其有繼
周者雖百世可知也秦已繼周矣不待夏禮而治者
其不驗乎曰聖人之言天也天妄乎繼周者未欲泰
平也如欲泰平也捨之而用化道亦無由至矣赫赫
乎日出之光群目之用也渾渾乎聖人之道群心之
用也或問天地簡易而聖人法之何五經之支離曰

支離蓋其所以爲簡易也已簡已易焉支焉離或曰
聖人無益於庸也曰世人之益者倉廩也取之如單
仲尼神明也小以成小大以成大雖山川丘陵草木
鳥獸裕如也如不用也神明亦末如之何矣或問聖
人占天乎曰占天地若此則史也何異曰史以天占
人聖人以人占天或問星有甘石何如曰在德不在
星德隆則晷星星隆則晷德也或問大人曰無事於
小爲夫人請問小曰事非禮義爲小聖人之言遠如
天賢人之言近如地瓏靈其聲者其質玉乎聖人矢

口而成言肆筆而成書言可聞而不可殫書可觀而不可盡周之人多行秦之人多病行有之也病曼之也周之士也貴秦之士也賤周之士也肆秦之士也拘月未望則載魄于西既望則終魄于東其逝於日乎彤弓豔矢不爲有矣聆德前世清視在下鑑莫近於斯矣或問何如動而見畏曰畏人何如動而見侮曰侮人夫見畏與見侮無不由已或問禮難以彊世曰難故彊世如夷俟倭倣肆羈角之哺果而啗之奚其彊或性或彊及其名一也見弓之張兮弛而不失其

良兮或曰何謂也曰徹之而已矣川有防器有範見禮教之至也經營然後知幹楨之克立也莊楊蕩而不法墨晏儉而廢禮申韓險而無化鄒衍迂而不信聖人之材天地也次山陵川泉也次鳥獸草木也

曰未入先知篇

立政鼓衆動化天下莫尚於中和中和之發在哲民情譔先知先知其幾於神乎敢問先知曰不知知其道者其如視忽眇繇作昞先甲一日易後甲一日難或問何以治國曰立政曰何以立政曰政之本身也

身立則政立矣或問爲政有幾曰思數或問思數曰
昔在周公征于東方四國是王召伯述職蔽芾甘棠
其思矣夫齊桓公欲徑陳陳不果內執袁濤塗其數
矣夫嗚呼從政者審其思數而已矣或問何思何數
曰老人老孤人孤病者養死者葬男子畝婦人桑之
謂思若汗人老屈人孤病者獨死者逋田畝荒杼軸
空之謂數爲政日新或人敢問日新日使之利其仁
樂其義厲之以名引之以美使之陶陶然之謂日新
或問民所勤曰民有三勤曰何哉所謂三勤曰政善

而吏惡一勤也吏善而政惡二勤也政吏駢惡三勤
也禽獸食人之食土木衣人之帛穀人不足於晝絲
人不足於夜之謂惡政聖人文質者也車服以彰之
藻色以明之聲音以揚之詩書以光之籩豆不陳玉
帛不分琴瑟不鏗鍾鼓不眩吾則無以見聖人矣或
曰以往聖人之法治將來譬猶膠柱而調瑟有諸曰
有之曰聖君少而庸君多如獨守仲尼之道是漆也
曰聖人之法未嘗不關盛衰焉昔者凡有天下舉大
綱命舜禹夏殷周屬其子不膠者卓矣唐虞象刑惟

明夏后肉辟三千不膠者卓矣堯親九族協和萬國
湯武相相征伐四克由是言之不膠者卓矣禮樂征
伐自天子所出春秋之時齊晉實予不膠者卓矣或
曰人君不可不學律今日君子爲國張其綱紀謹其
教化導之以仁則下不相賊莅之以廉則下不相盜
臨之以正則下不相詐修之以禮義則下多德讓此
君子所當學也如有犯法則司獄在或苦亂曰綱紀
曰惡在於綱紀曰大作綱小作紀如綱不綱紀不紀
雖有羅網惡得一目而正諸或曰齊得夷吾而霸仲

尼曰小器請問大器曰大器其猶規矩準繩乎先自
治而後治人之謂大器或曰正國何先曰躬工人績
或曰爲政先殺後教曰嗚呼天先秋而後春乎將先
春而後秋乎吾見玄駒之步雉之晨雉也化其可以
已矣哉民可使覲德不可使覲刑覲德則純覲刑則
亂衆龍之致雨也難矣哉曰龍乎龍乎或問政核曰
真僞真僞則政核如真不真僞不僞則政事不核鼓
舞萬物者其雷風乎鼓舞萬民者其號令乎雷不一
風不再聖人樂天陶成天下之化使人有士君子之

器者也故不遁于世不離于群遁離者是聖人乎雌
之不才其卵蝦矣君之不才其民野矣或曰載使子
草律曰吾不如弘恭草奏曰吾不如陳湯曰何爲曰
必也律不犯奏不剡甄陶天下者其在和乎剛則脆
柔則坏龍之潛亢不獲其中矣是以過中則惕不及
中則躍其近於中乎聖人之道譬猶日之中矣不及
則未過則具什一天下之正也多則桀寡則貉井田
之田田也肉刑之刑刑也田也者與衆田之刑也者
與衆棄之法無限則庶人田侯田處侯宅食侯食服

侯服人亦多不足矣爲國不迪其法而望其效譬諸
算乎

法言卷第六終

法言卷第六終

法言卷第七

漢成都楊雄著

明新安程榮校

重黎篇

仲尼以來國君將相卿士名臣參差不齊一槩諸聖
誤重黎或問南正重司天北正黎司地今何僚也曰
近羲近和孰重孰黎曰羲近重和近黎或問黃帝終
始曰託也音者妣氏治水土而巫步多禹扁鵲盧人
也而醫多盧夫欲讎僞者必假真禹乎盧乎終始乎

或問渾天曰落下閔營之鮮于妄人瘦之耿中承象
之幾乎幾乎莫之能違也請問蓋天曰蓋哉蓋哉應
難未幾也或問趙世多神何也曰神怪茫茫若存若
亡聖人曼云或問子胥種蠶孰賢曰胥也俾吳作亂
破楚入郢鞭尸藉館皆不由德謀越諫齊不式不能
去卒眼之種蠶不彊諫而山棲俾其君訕社稷之靈
而童僕又終弊吳賢皆不足邵也至蠶策種而遁肥
矣哉或問陳勝吳廣曰亂曰不若是則秦不亡曰亡
秦乎恐秦未亡而先亡矣或問六國並其已久矣一

病一瘳迄始皇三載而咸時激地保人事乎曰具請
問事曰孝公以下彊兵力農以蠶食六國事也保曰
東溝大河南阻高山西采雍梁北鹵涇垠便則申否
則蟠保也激曰始皇方斧將相方刀六國方水將相
方肉激也或問秦伯列爲侯衛卒吞天下而赧曾無
以制乎曰天子制公侯伯子男也庸節節莫差於僭
僭莫僭於祭祭莫重於地地莫重於天則襄文宣靈
其兆也昔者襄公始僭西時以祭白帝文宣靈宗興
鄜密上下用事四帝而天王不匡反致文武胙是以

四疆之內各以其力來侵攘肌及骨赧獨何以制秦乎或問嬴政二十六載天下擅秦秦十五載而楚楚五載而漢五十載之際而天下三擅天邪人邪曰具周建子第列名城班五爵流之十二當時雖欲漢得乎六國蚩蚩爲羸弱姬卒之屏營羸擅其政故天下擅秦秦失其猷罷侯置守守失其微天下孤睽項氏暴疆改宰侯王故天下擅楚擅楚之月有漢朔業山南發跡三秦追項山東故天下擅漢天也人曰兼尚權右計左數動謹於時人也天不人不因人不天不

成或楚敗垓下方死曰天也諒乎曰漢屈群策郡

策屈群力楚傲羣策而自屈其力屈人者克自屈者負天曷故焉或問秦楚旣爲天典命矣秦繼灞上楚分江西興廢何速也曰天胙先德而隕明忒昔在有熊高陽高辛唐虞三代咸有顯懿故天胙之爲神明主且著在天庭是生民之願也厥饗國久長若秦楚疆闔震撲胎籍三正播其虐於黎苗子弟且欲喪之况於民乎况於鬼神乎廢未速也或問仲尼大聖則天曷不胙曰無土然則舜禹有土乎曰舜以堯作土

禹以舜作土或問聖人表裏曰威儀文辭表也德行
忠信裏也或問義帝初矯劉龕南陽項救河北二方
分崩一離一合設秦得人如何曰人無爲秦也喪其
靈久矣韓信黥布皆劍立南面稱孤卒窮時戮無乃
勿乎或曰勿則無名如何曰名者謂令名也忠不終
而躬逆焉攸令或問淳于越曰伎曲曰始皇方虎捩
而梟磔噬士猶腊肉也越與亢眉終無撓辭可謂伎
矣仕無妄之國食無妄之粟分無妄之橈自今之間
而不違可謂曲矣或問茅焦歷井幹之死使始皇奉

虛左之乘蔡生欲安項咸陽不能移又亨之或者未
辯歟曰生捨其木侯而謂人木侯亨不亦宜乎焦逆
訐而順守之雖辯劇虎牙矣或問甘羅之悟呂不韋
張辟疆之覺平勃皆以寸二齡茂良乎曰木也茂良
不必父祖或問酈食其說陳留下敖倉說齊罷歷下
軍何辯也韓信襲齊以身首鼎何訥也曰夫辯也者
自辯也如辯人幾矣或問蒯通抵韓信不能下又狂
之曰方遭信閉如其抵曰巖可抵乎曰賢者司禮小
人司巖况拊鍵乎或問李斯盡忠胡亥極刑忠乎曰

斯以留客至作相用狂人之言從浮大海立趙高之
邪說廢沙丘之正阿意督責焉用忠霍曰始元之初
擁沙帝之微摧燕上官之鋒處興廢之分堂堂乎忠
難矣哉至顯不終美或問馮唐面文帝得廉頗李牧
不能用也諒乎曰彼將有激也親屈帝尊以信亞夫
之軍至頗牧曷不用哉德曰罪不孥宮不女館不新
陵不墳或問交曰仁問餘耳曰光初竇灌曰凶終或
問信曰不食其言請人曰晉荀息趙程嬰公孫杵臼
秦大夫鑿穆公之側問義曰事得其宜之謂義或問

季布忍焉可爲曰能者爲之明哲不爲也或曰當布
之恚雖明哲如之何曰明哲不終項仕如終焉攸避
或問賢曰爲人所不能請人曰顏淵黔婁四皓韋玄
成問長者曰藺相如伸秦而屈廉頗樂布之不塗朱
家之不德直不疑之不校韓安國之通使或問臣自
得曰石太僕之對金將軍之謹張衛將軍之善慎邢
大夫之不伐善請問臣自失曰李貳師之執二田祈
連之濫帥韓馮翊之愬蕭趙京兆之犯魏或問持滿
曰扼歌楊王孫裸葬以矯世曰矯世以禮保乎如矯

絕德小人絕力或問絕德曰舜以孝禹以功臯陶以
謨非絕德邪力秦悼武烏獲任鄙扛鼎并牛非絕力
邪或問勇曰軻也曰何軻也曰軻也者謂孟軻也若
荆軻君子盜諸請問孟軻之勇曰勇於義而果於德
不以貧富貴賤死生動其心於勇也其庶乎魯仲連
傷而不制藺相如制而不傷或問鄒陽曰未信而分
疑恍辭免置幾矣哉或問信陵平原孟嘗春申益乎
曰上失其政姦臣竊國命何其益乎樗里子之智也
使知國如知葬則吾以疾爲著龜周之順報以成周

而西傾秦之惠文昭襄以西山而東并孰愈曰周也
羊秦也狼然則狼愈歟曰羊狼一也或問蒙恬忠而
被誅忠奚可爲也曰塹山煙谷起臨洮擊遼水力不
足而屍有餘忠_足不相也或問呂不韋其智美乎以人
入易貨曰誰謂不韋智者歟以國易宗呂不韋之盜
穿窬之雄乎穿窬也者吾見擔石矣未見雒陽也秦
將白起不仁奚用爲也長平之戰四十萬人死蚩尤
之亂不過於此矣原野厭人之肉川谷流人之血將
不仁奚用爲翦曰始皇方獵六國而翦牙歟或問要

離非義者歟不以家辭國曰離也次妻灰子以反於
慶忌實蛛蝥之靡也焉可謂之義也政也爲嚴氏犯
韓刺相俠累曼面爲姊實壯士之靡也焉可謂之義
也軻也爲丹奉於期之首燕督元之圖入不測之秦
實刺客之靡也焉可謂之義也或問儀秦學乎鬼谷
術而習乎縱橫言安中國者各十餘年是夫曰詐人
也聖人惡諸曰孔子讀而儀秦行何如也曰甚矣鳳
鳴而鷲翰也曰然則子貢不爲歟曰亂而不解子貢
耻諸說而不富貴儀秦耻諸或曰儀秦其才矣乎跡

不蹈已曰昔在任人帝曰難之亦才矣才乎才非吾
徒之才也美行園公綺里季夏黃八角里先生言辭
婁敬陸賈執正王陵申屠嘉折節周昌汲黯守儒袁
固申公災異董相夏侯勝京房或問蕭曹曰蕭也規
曹也隨滕灌樊鄴曰俠介叔孫通曰槩人也袁盎曰
忠不足而談有餘晁錯曰愚酷吏曰虎哉虎哉角而
翼也貨殖曰蚊曰血國三千使將䟽飲水褐博沒齒
然也或問循吏曰吏也游俠曰竊國靈也佞幸曰不
料而已或問近世社稷之臣曰若張子房之智陳平

之無誤絳侯勃之果霍將軍之勇終之以禮樂則可
謂社稷之臣矣或問公孫弘董仲舒孰邇曰仲舒欲
爲而不可得弘容而已矣或問近世名卿曰若張廷
尉之平雋京兆之見尹扶風之繫王子貢之介斯名
卿矣將曰若條侯之守長平冠軍之征伐博陸之持
重可謂名將矣請問古曰鼓之以道德征之以仁義
輿尸血刃皆所不爲也張騫蘇武之奉使也執節沒
身不屈王命雖古之虜使其猶劣諸世稱東方生之
盛也言不純師行不純表其流風遺書蔑如也或曰

隱者也曰昔之隱者吾聞其語矣又聞其行矣或曰
隱道多端曰固也聖言聖行不逢其時聖人隱也賢
言賢行不逢其時賢者隱也談言談行不逢其時談
者隱也昔者箕子之漆其身也狂接輿之被其髮也
欲去而恐罹害者也箕子之洪範接輿之歌鳳也哉
或問東方生名過實者何也曰應諧不窮正諫穢德
應諧似優不窮似哲正諫似直穢德似隱請問名曰
談達惡比曰非夷齊而是柳下惠戒其子以尚容首
陽爲拙桂下爲工飽食安坐以仕易農依隱玩世詭

時不逢其滑稽之雄乎或問柳下惠非朝隱者歟曰
君子謂之不恭古者高餓顯下祿隱妄譽仁之賊也
妄毀義之賊也賊仁近鄉原賊義近鄉誑或問子蜀
人也請人曰有李仲元者人也其爲人也柰何曰不
屈其意不累其身曰是夷惠之徒歟曰不夷不惠可
否之間也如是則奚名之不彰也曰無仲尼則西山
之餓夫與東國之紉臣惡乎聞曰王陽貢禹遇仲尼
乎曰明星皓皓華藻之力也歟曰若是則奚爲不自
高曰皓皓者已也引而高之者天也子欲自高邪仲

元世之師也見其貌者肅如也聞其言者愀如也觀
其行者穆如也但聞以德誑人矣未聞以德誑於人
也仲元畏人也或曰育貴曰育貴也人畏其力而侮
其德請條曰非正不視非正不聽非正不言非正不
行夫能正其視聽言行者昔吾先師之所畏也如視
不視聽不聽言不言行不行雖有育貴其猶侮諸

固不周於小乎曰斯械也君子不械或問孟子知言
之要知德之與曰非苟知之亦允蹈之或曰子亦諸
子孟子非諸子乎曰諸子者以其知異於孔子者也
孟子異乎不異或曰荀卿非數家之書悅也至于子
思孟軻詭哉曰吾於荀卿歟見同門而異戶也惟聖
人爲不異牛也駢白晬而角其升諸廟乎是以君子
全德或問君子似玉曰純淪溫潤柔而堅玩而廉隊
乎其不可形也或問仲尼之術周而不泰大而不小
用之猶牛鼠也曰仲尼之道猶四瀆也經營中國終

入大海宅人之道者西北之流也綱紀夷貉或入于
沱或淪于漢淮南說之用不如太史公之用也太史
公聖人將有取焉淮南鮮取焉爾必也儒乎乍出乍
入淮南也文麗用寡長卿也多愛不忍子長也仲尼
多愛愛義也子長多愛愛奇也或曰甚矣傳書之不
果也曰不果則不果矣人以巫鼓或問聖人之言炳
若丹青有諸曰吁是何言歟丹青初則炳久則淪淪
乎哉或曰聖人之道若天天則有常矣奚聖人之多
變也曰聖人固多變子游子夏得其書矣未得其所

以書也宰我子貢得其言矣未得其所以言也顏淵
問子得其行矣未得其所以行也聖人之書言行天
也天其少變乎或曰聖人自恣歟何言之多端也曰
予未覩禹之行水歟一東一北行之無礙也君子之
行獨無礙乎如何直往也水避礙則通于海君子避
礙則通于理君子好人之好而忘己之好小人好己
之好而忘人之好或曰子於天下則誰與曰與夫進
者乎或曰貪夫位也慕夫祿也何其與曰此貪也非
進也夫進也者進於道慕於德殷之以仁義進而進

退而退曰孳孳而不知勑者也或曰進退則聞命矣
請問退進曰昔乎顏淵以退爲進天下鮮儷焉或曰
若此則何小於必退也曰必進易儷也必退易儷也
進以禮退以義難儷也或曰人有齊死生同貧富等
貴賤何如曰作此者其有懼乎信死生齊貧富同貴
賤等則吾以聖人爲囂囂通天地人曰儒通天地而
不通人曰伎人必先作然後人名之先求然後人與
之人必其自愛也然後人愛諸人必其自敬也然後
人敬諸自愛仁之至也自敬禮之至也未有不自愛

敬而入愛敬之者也或問龍龜鴻鵠不亦壽乎曰壽
曰久可壽乎曰物以其性人以其仁或問人言仙者
有諸乎曰吁吾聞伏羲神農歿黃帝堯舜殂落而死
文王畢孔子魯城之北獨子愛其死乎非人之所及
也仙亦無益子之彙矣或曰聖人不師仙厥術異也
聖人之於天下耻一物之不知仙人之於天下耻一
日之不生曰生乎生乎名生而實死也或曰世無仙
則焉得斯語曰語乎者非贊贊也歟惟贊贊能使無
爲有或問仙之實曰無以爲也有與無非問也問也
者忠孝之問也忠臣孝子俚乎不俚或問壽可益乎
曰德曰回牛之行德矣曷壽之不益也曰德故爾如
回之殘牛之賊也焉德爾曰殘賊或壽曰彼妄也君
子不妄有生者必有死有始者必有終自然之道也
君子忠人况已乎小人欺已况人乎

法言卷第九終

故有人愛敬之者也或問曰...
曰人可壽乎曰物以其性人以其仁...
或問曰忠人與子乎小人類也與人乎...
事不更前主者必有前故前必有後...
曰之類也人與子乎小人類也與人乎...
曰之類也人與子乎小人類也與人乎...
曰之類也人與子乎小人類也與人乎...

法言卷第十

漢人成都楊雄著

明新安程榮校

孝至篇

孝莫大於寧親寧親莫大於寧神寧神莫大於四表
之歡心讓孝至孝至矣一言而該聖人不加焉父母
子之天地歟無天何生無地何形天地裕於萬物萬
物裕於天地裕於父母之裕不裕矣事父母自知不足
者其舜乎不可得而久者事親之謂也孝子愛日孝

子有祭乎有齋乎夫能存亡形屬荒絕者惟齋乎故
孝子之於齋見父母之存也是以祭不賓人而不祭
豺獺乎或曰死生盡禮可謂能乎乎曰否奮石建父
子之美也無是父無是子無是子無是父或曰必也
兩乎曰與堯無子舜無父不如堯父舜子也子有含
菽縕絮而致滋美其親將以求孝也人曰僞如之何
曰假儒衣書服而讀之三月不歸孰曰非儒也或曰
何以處僞曰有人則作之無人則輟之之謂僞觀人
者審其作輟而已矣不爲名之名其至矣爲名之名

其次也或問忠言嘉謨曰言合稷契之謂忠謨合臯
陶之謂嘉或曰邵如之何曰亦勗之而已庠則秦儀
鞅斯亦忠嘉矣堯舜之道皇矣夏殷周之道將兮而
以延其光兮或曰何謂也曰堯舜以其讓夏以其功
殷周以其伐或曰食如蟻衣如華朱輪駟馬金朱煌
煌無已泰乎曰由其德舜禹受天下不爲泰不由其
德五兩之綸半通之銅亦泰矣天下之通道五所以
行之者一曰勉或曰力有扛洪鼎揭華旗智德亦有
之乎曰百人矣德諱頑囂讓萬國知情天地形不測

百人乎或問君曰明光問臣曰若禊敢問何謂也曰
君子在上則明而光其下在下則順而安其上或曰
聖人事異乎曰聖人德之爲事異亞之故常修德者
本也見異而修德者末也本末不修而存者未之有
也天地之得斯民也斯民之得一人也一人之得心
矣吾聞諸傳老則戒之在得年彌高而德彌邵者是
孔子之徒歟或問德有始而無終與有終而無始也
孰寧曰寧先病而後瘳乎寧先瘳而後病乎或問大
曰小問遠曰邇未達曰天下爲大治之在道不亦小

乎四海爲遠治之在心不亦邇乎或問俊哲洪秀曰
知哲聖人之謂俊秀穎德行之謂洪君子動則擬諸
事事則擬諸禮或問羣言之長羣行之宗曰羣言之
長德言也羣行之宗德行也或問泰和曰其在唐虞
成周乎觀書及詩溫溫乎其和可知也周康之時頌
聲作于下關雎作乎上習治也齊桓之時縕而春秋
美邵陵習亂也故習治則傷始亂也習亂則好始治
也漢德其可謂允懷矣黃支之南大夏之西東鞬北
女來貢其珍漢德其可謂允懷矣世鮮焉芒芒聖德

遠人咸慕上也武義璫璜兵征四方次也宗夷猾夏
蠢迪王人屈國喪師無次也麟之儀儀鳳之師師其
至矣乎螭虎桓桓鷹隼狻狻未至也或曰訶訶北夷
被我純績帶我金犀珍膳寧錡不亦享乎曰昔在高
文武實爲兵主今稽首來臣稱爲北藩是爲宗廟之
神社稷之靈也可不享乎龍堆以西大漠以北鳥夷
獸夷鄙勞王師漢家不爲也朱崖之絕捐之之力也
否則介鱗易我衣裳君人者務在殷民阜財明道信
義致帝者之用成天地之化使粒食之民祭也晏也

享于鬼神不亦饗乎天道勞功或問勞功曰日一日
勞考載曰功或曰君逸臣勞何天之勞曰於事則逸
於道則勞周公以來未有漢公之懿也勤勞則過於
阿衡漢興二百一十載而中天其庶矣乎辟靡以本
之校學以教之禮樂以容之輿服以表之復其并刑
勉人役唐矣夫

